

**PKR : tiada usul tidak percaya pada PM**  
**Malaysiakini.com**  
**Oct 13, 2008**  
**Elviza Michele Kamal**

Ketua Pembangkang tidak berminat meneruskan rancangannya menukar kerajaan persekutuan melalui usul undi tidak percaya terhadap Perdana Menteri Datuk Seri Abdullah Ahmad Badawi di Dewan Rakyat yang sedang bersidang.

Datuk Seri Anwar Ibrahim berkata beliau sekarang menumpukan fokus pada isu-isu ekonomi, termasuk Bajet 2009.

"Buat masa ini fokus kita ialah terhadap bajet," katanya, juga ketua PKR, di lobi Parlimen hari ini.

Mesyuarat ketiga bagi sesi pertama persidangan Dewan Rakyat kali ke-12 bermula hari ini selepas ditangguhkan lebih sebulan berikutan bulan puasa dan sambutan Hari Raya Aidilfitri.

Selain menggesa kerajaan mengemukakan semula belanjawan 2009, susulan krisis kewangan dunia sekarang, Anwar turut mencadangkan kerajaan menurunkan lagi harga minyak kerana harga dunia bahan bakar itu makin rendah.

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/91187>